

改

亭

存

稿

歐陽存稿卷之七

崑山方鳳著

玄孫士驥上服父重較輯

詩

偶見望江南花奉懷 老親

有草青且天有花含以吐江南不能歸望望亦何補
淒淒江東雲悠悠瀆南許雅哉泉石亭亦有松筠圃
起卧適所便書香籍庭戶忽生分外思千里覓簪組
騎馬走黃塵披衣候晨鼓青燈形影單舉目何恃怙
何當移之歸栽向江南土

壽女兄

憶昔我父母生子今三人
幼年獨居長條忽輪五旬
自少苦命薄老大仍艱辛
持家相夫子萬事當一身
殷勤教兩雛伊吾列儒紳
多愁髮易改久病眉未伸
嗟我忝同胞薄宦緇京塵
空慙煥鬢愛未盡拊背親
造化有玄機倚伏存至神
富貴與安樂三事皆遭屯
所得在末年斯理不可泯
願言姊長健安享晚福頻
行將爲解官相從樂天真

壽王天字母夫人

賢哉王明府政善追卓魯
衙寂餘琴書民安但歌舞
其賢豈無由母氏孟家伍
德邵領蕃禧遐齡不能數
殷勤獻壽圖列仙擁如堵
願言母長生慈顏溫且黠

通家慰予情
瞻拜婁江許
作詩播賢聲
坐看諉芽吐

與舊吏曉惠

蟻生念舊情
不遠千里至
再拜淚欲傾
菓核雜庭費
寒溫未數語
歷歷談往事
人心險羊腸
爭奪如市肆
鷹隼徒相猜
早避免垂翅
江湖物外身
花鳥山中寺
詩成贈爾行
悠然動離思

予里有孝婦
善事姑而不得於妯娌
姑亡後姑從妯娌言
逐孝婦爲賦此

孝婦初入門
事姑效勤苦
中饋代妯娌
餘力持門戶
雖得姑歡心
妯娌時見侮
一朝姑早世
後姑哲且武
妯娌奉養勤
先姑棄如土
婦憤至飲泣
竒禍從此賈

從容受驅逐甘與草木腐眼看如娼驕有懷不能吐
姑怒不可回長望亦何補

得休致報呈胡席賓

爲官豈不美吾非惡此逃朝來覽明鏡忽見霜雪毛
流光短於線衰病相煎燉脩癯七尺軀不受俯仰勞
嘻嘻同袍客噬毒輕蜂蠅塊然頑石姿持以待銛刀
欲進皆畏途何如老江臯寄語西席賓主人今姓陶

貞丘郡主嘉貞詩

爲蔡二守作

嗟哉貞丘主烈操世所無夫死不樂生所樂惟從夫
舉首觸東闔流血無完膚我躬且不惜奚暇悲孱孤
三日幸同窺高原瘞珊瑚入地即含咲淚眼不用枯

嘉貞賜昭額綱常一朝扶古云抱忠烈金石堅可刻
視死若脫屣肯爲溫飽圖作詩播芳馨事覈良不誣

曉起

秋牕開曉晴景色靜且嘉池蓮起新葉露蔡落殘花
清泉匝屋流好鳥隔樹譁對此坐移時焚香啜杯茶
物態適吾意意自與物佳古云兼吏隱持此良足誇

小酌和陶韻

摘花立溪上忽憶舊時遊舊遊踪跡殊吳楚各名山
悠悠白日逝滔滔江水流人生真逆旅華屋終荒丘
但得酒杯滿勲業讓伊周伊周不可作吾生後何求

吊沈文舉

憶昔曲江宴卓我三同年同鄉復同官交誼真且堅
趨朝蹴晨雞赴飲青驄聯有時共清夜對榻酌詩篇
踪跡各南北浮沉相後先去年哭維石遠訃因君傳
今年哭東巖老淚空漣漣三人失其二我生亦徒然

支問竹見訪

故人山中来遺我雞與芡多雞剥芡實綠酒色如染
客去鳥聲亂柴扉逐風掩高卧北牕涼松陰集湘簾

嘉瑞堂爲白樓尊師作

綠野起華構轟轟鳩群材嘉植發靈物雙鵲飛自來
結巢當木杪雄雌日徘徊下有百手作俯瞰無驚猜
匝月成乳育七雛爭喧騰厥應在我公五福元栽培

至不三至祿位還上倉書香紹奕世生子貴且才
綿綿衍家慶壽域方宏開

放鵲

微物何所競，鬪狠至相仇。豈不惜毛衣，兩敗落溪流。
一入童稚手，繫繫等拘囚。閉置幽室中，跳躑每自投。
頃之氣漸平，高棲屋梁頭。有槩怒不食，戢羽多窮愁。
老鵲鳴屋角，盤飛如有求。憐余爲解縛，並去喜脫鞵。
其一入林杪，四顧耽雙眸。其一飛復墮，忽忽驚未休。
嗟嗟二雛者，瀕死命復留。詎望猶環報，當思縲紲羞。
嗚呼此論吾人終，訟非良謀。

霽楊母九十西巖外母

德人躋上壽五福還兼全
夢寐世王母秘方應獨傳
兕孫紛遶膝王樹森階前
金緋耀門闈况也倩氏賢
歌鐘歛華宴鸞馭來翩翩
綠酒傾玉髓頃臆醉群仙
珠璣昭四壁讀之聲琅然
慙予賦短章再拜獻初筵
九峯何轟轟三泖清且漣
持以壽阿母流峙共長年

上真爲同年徐曰仁乃尊賦

今人不如古所欠在一真象
恭適自欺諧俗徒媚人
徃徃斲天性大道成荆榛
朴哉彭澤君自號無懷民
養成松菊姿漉酒頭上巾
亦有康節翁謝智一以純
出處任吾性花外車麟麟
高風渺難攀泰華等嶙峋
嗟嗟古真翁直與二子倫

壽張碧崖六十得鷗字

憶昔少壯時青衿共嬉遊感君麗澤功情好分自投
青雲先後發世事多沉浮倏忽六十年歲月何悠悠
崎嶇畏名場歸來伴沙鷗多君擅內養垂老還黑頭
矍鑠便登涉安車或輕舟書香付家兒詩酒自春秋
山中雅結社濟濟皆儒流笑傲無俗談交錯惟觥籌
梅花締寒盟不與市道侔藉此終吾生怡老真良謀
年年一杯酒殷勤相勸酬

壽秦復齋六十得圓字

少游本人傑早歲同青氈登科宰百里不受劉寵錢
歸來貧更甚負郭無良田浩然付一咲健在六十年

一尊獻同杜矮屋開賓筵豈資歌舞樂杳檝來詩篇
淹留坐竟日醉看新月圓顧我忝同歲交誼久且堅
願言輪甲子永筭齊彭篔

壽李成齋六十得樹字

李愿早掛冠還向盤谷住去城可十里清門蔭高樹
心純貌更古獨得林丘趣或時滴朝露周易手自註
或時對濁醪抱膝覓高句安間六十春造化私陶鑄
綺席來嘉賓瓊液恣傾注媿我忝齊年百歲實覲覲
年年一杯酒花下青驄駐

漫興

高樹蔭虛堂清眠不知暑思苦詩腸饑摘字盡堪煮

有時蕩一舟小憇荻花渚歸來日正落猶見採蓮女

心月贈僧

此心真似月本體元不虧雲變忽蒙翳清光頓然隳
努力驅幻障靜定守無爲心明性自見萬化從鑪錘

梅巖

西巖何所有嘉植暗香雲萬玉發春魁不與凡卉群
主人間一過索笑驅塵氛何時把尊酒徙倚成酣醺

竹泉爲劉揮使賦

挺挺立風前涓涓流雨後竹蔭泉更涼泉滋竹逾茂
宅倚夕暉俯掬恣清漱或從王子吟或述莊生觀
快哉心事閒高眠遣長晝我欲扶短藜依君洗蕪陋

寄錫山殷翁

吾聞秋野翁卓然厲操執百畝遣後安禾黍遶原隰
采菊心自閒牽蘿居可葺有時開一尊新涼誇獨把
有時蕩一舟看山入城邑歸來恣高眠玉樹階前立
雅哉龐德公心跡庶幾及優優過百年蕃禧永駢集

村居

人言村居樂而我十居九後圃足葵蔬前門蔭榆柳
吳淞經其陽玉峯拱其後堂宇清復幽茅茨煖而厚
董僕或得貞雞犬自成耦數石壘作山十竹呼為友
瓶罈迺濁醪剪滑試新韭樵漁時自來鄉隣老相守
賓客畧送迎功名等塵垢閒行遶南瀆高卧依北牖

悠悠且養心欵欵得開口伊誰羨茲藥請君謝簪綬

登大石山

殷勤挾小艇迤邐登大石恠險若神造幽閒真鬼宅
涉漢龍頭昂負重翼背磔倒曳萬牛喘列坐十人窄
眇視笑一拳端拜俯半額憑肩護脛酸呼酒鎮心慙
古壁剝舊題又竇碍頽屐甫快雨忽晴剛醉日欲夕
老禪嗜文辭短卷盈咫尺揮毫神欲飛雲開萬峯碧

壽毛浣亭

三江天下士有子稱象賢夙具文武資聲望無與肩
能讀中秘書文采何翩翩出作幕府賓叱咤鳴龍泉
德人集純嘏七月開壽筵馨香列珍錯鶴馭來群仙

慚予捧卮酒南望衷情牽再拜獻短歌殷勤頌篋
題老松壽秋汀九十和貞庵韻

周公躋上壽滿壁懸新詩尚書獨超逸揮酒橫高辭
人生有遐筭百歲爲常期公特望十年過此尤足竒
輕身委藜杖短髮垂花枝沉檀爇金鼎石髓浮瓊卮
翩翩下鸞馭青鳥來西池日斜醉顏酡咲看烏帽歌
嗟予沾盛席羨此貞松姿濡墨圖老榦不假丹青施
挺然歲寒秀非公將謂誰從公遊赤松舍此吾何之

敦義

斯義本大路出入誰能由外物擾真性茅塞成荒丘
何如市道交契結金蘭投義重利自輕高風愧儒流

作詩悲
久道好鳥鳴相求

贈
叔仁山

聞君少
平日登山俯管井中有哀號聲惘然中耿耿
救之苦
無策狂奔市長綆深投起廢殘昏憤時復惺
此豈要
譽爲良心由夙秉至仁感彼蒼報施如響影
繚哉享
壽康硯田怡蔗境繞膝芬芝蘭諸孫皆秀警
讀書太
門楣遠與寧家騁我愛揚仁風吾人當自省
俗里化
淳龐王猷助俄頃

挽
鄭小山

髫年同
學易清夜近燈火感君屢澤功疵愆每規我
才充命
蜀堅文戡敵次可夷
古人不甚樂詹自安妥

歸來謀結社登涉靡不可感疾忽垂劇呼我座虛左
慷慨叙平生鑿鑿非細瑣自云終始情交誼此結果
嗟嗟哲人萎詩成淚空墮

獨宿避暑

暑酷喜夜涼月來日復入村深竹屋迷露重絺幘濕
清夢苦未成高人嗟莫及思之不成眠嗶嗶雞聲急
貞翁重聽示詩用韻

人生各有遇造化斟酌之一身萃純嘏所遇公獨奇
而况百體安世事無不宜區區耳欠聰欣受夫何辭
公欲借聽扶杖行相隨

壽葉撫桐五十

人生百歲期君年方半百譬如日中天
皜皜光潔白况有亢宗子積學聲烜赫
養志比曾閔彩戲啾啾啞啞間來對
焦桐再撫春拍拍薰風拂綺筵頽山
醉仙客競獻卻老方快哉延壽脉

東泉

白水從山流結屋枕西滸主人事高潔
貌偉心獨古有官卻遺榮日與寒泓伍
俯首滌塵襟高踪仰巢父或時汲甕烹
茗沸鎚釜或時照鬢髮一皆可數曾
誇莊子觀或入伯牙撫卓哉千載餘
多君能步武我來伴清吟空看新月吐

懷蘭

幽蘭人所思君獨懷之苦豈真嗜馨姿所懷在嚴父
蘭萎更芬敷親去不復視嗟哉一念誠悠悠亘千古

喜沈小石至

獨坐倚清尊相過有嘉客緩帶垂細腰輕巾羅廣額
茶傳玉川譜画踵雲林癖雞黍或留連山中且朝夕

江行望友人

扁舟渡寒江斜日射盃酒美人望不來獨酌愧無耦
西風逆櫓聲敗葦葉欲朽飛鳧忽驚人兩兩踏浪走
荷蓬照眉鬢滄波見老醜停橈泊古樹冉冉日入酉
吟哦一人來剪燭話良久聯床共酣眠夢入無何有

壽陳兵侍先生

住桃源高五山

吾亦愛吾山掩映挑溪許中有長生人貌腴心獨古
勲業照松衡歌頌遍閩魯風裁振內臺嘉猷贊樞府
勇退樂食高抱膝書作堵蕭然謝紛華日與聖賢伍
有子瑚璉才簪纓還接武長起白雲思欲代斑衣舞
索詩伴壽觴珠玉雜庭戶遶尊無忝三完福實兼五
試看逍遙公退齡不能數

纓溪為李戶部賦

我欲濯塵纓清溪渺何處聞在帝丘南雅為高人據
風月共浮沉鳶魚自來去獨坐觀化機快哉空萬慮
遠客贈蘭蒲一日同至

道士贈幽蘭逸人餽仙韭蘭以上孫茅韭以占我壽

從今合收書到老只飲酒百年弄曾玄作詩酬二友

壽華翁六十

幽人深住婁江曲綠柳青槐蔭華屋當門小砌一欄
花隔水幽軒萬竿竹野服翩翩乘鹿車時出看山歸
讀書書香不斷後人續亭亭玉樹生堦除行年六十
頭未白吟嘯花前春拍拍咲看甲子幾周旋直與莊
椿齊八百我時亦在賓數中手持一卮從矯翁蹒然
席地不知醉小蠻舞態多玲瓏主人自是應難老
入蓬壺天未曉年年此日撥輕艘春風滿壁留詩草

壽馬翁六十

阿翁卜居吳淞南山旁
甘泉味甘行年六十更安

健長松高柳羅虛庵紅日烘簷眠正足起看雙鶴當
牕浴抱孫閒美指之無消遣流光暮一局有時曳杖
過南村南村老人深閉門農桑細話一開口歸來綠
醕還盈尊頽然一醉燈花落野鶴閒雲無束縛布衿
溫軟夢華胥此是人間最直樂松巖鉛汞能延年仙
術由來得秘傳安閒直到莊椿筭歲歲花前開壽筵

石柱歌

誰家石柱卧路傍問之令人生慘傷連雲甲第屬新
主不見當時京兆坊京兆坊勢烜赫我纔束髮還記
得門前賀客如蟻叢兩眼眈眈望顏色可憐勢去門
戶寒泰山頽兮滄海乾石柱貧來換新米依舊撐雲

人盡看人盡看莫空羨教兒讀書已爲善興衰隆替
自古然請看王謝堂前燕

孝友末懷歌

爲顧周道作

有父有父人中賢襁褓見替踰卅年有弟有弟賢思
齊從父地下遺寡妻嗟哉顧君抱此苦終朝飲泣裂
肝腑慈烏夜叫鶴鴿飛勸君徒思亦何補思親欲報
親朝夕事母心須純思弟欲慰弟筮筮寡妻慎勿棄
父鳧弟鳧兩茫茫孝友寧分存與亡可憐風俗日傾
壞骨肉路人恬不恠恬不恠其柰何爲君一誦永思
歌良心耿耿終不磨嗚呼良心耿耿終不磨

婁水行送夏懷軒

青塵吹吹夢水波小轡新學驟駒歌仙即欲上西湖
路疋馬行行更回顧歡娛三月悵別離重來已訂中
秋期到家菜絲欣可掬細檢歸囊書一束吁嗟乎詩
成漫寫白練裙思君遙望姚江雲

壽朱山塘

美人深住林塘曲適意詩篇對碁局玉山岌業倚翠
屏獨抱清標抗塵俗春風滿座開壽筵踈簾輕透沉
檀烟青鳥翩翩紛報客雲車燁燁來群仙多君青年
瞻不思萬里騰騫蓋高志龍頭科第驟馬聲此是君
家囊裏事一堂笑語生馨香新詩四壁鳴琳琅愧我
衰遲無可獻寂寥短句陪盞漿滿泛花前拚醉倒歌

產於方外產女下年言語甚波長一朋睚陽追五老

懷仁爲胡醫作

先生自是醫中賢遨遊海上通真詮一腔生意融心
田活人功多遐邇傳疔羸攜憑戶屢填刀圭倏忽令
安全歡聲滿路呼爲仙恩施不報肯計錢吁嗟民瘼
何時痊借君一脉呈當權高舒大手扶顛連康衢誠
腹歌堯天

送吳山人遊天台

芝山山人汗漫遊半生踪跡湖山頭只今遊癖未肯
瘳越江遠渡窮高丘花間小車柳外舟詩筒酒具能
兼收雲巖直上舒雙眸仙風雅欲追阮劉石川先生

交分投索詩短卷鳴琅球詩成嗟我擊節詭羨君此
行涎欲流思君無聊一登樓翩翩獨鶴橫高秋

舟中偕芝山訪丁吏部小飲

虞山十里延青螺尚湖千頃搖白練風雲滿眼合復
開高聳詩肩寒欲戰芝山山人春興豪索酒舟中鋪
小宴前村欲訪丁令威醉來一咲東風面

擬登虞山阻風

東風作惡翻湖波雪山傾倒飛白駝墨雲拖雨日光
淡一舟飄搖如擲梭低頭回棹阻遊興虞山虞山將
奈何

詠竹賀朱東泉得子

君家種德如種竹睢陽佳本分淇澳春風歲歲長龍
孫挺挺琅玕光萬斛他年一節長八尺帝遣伶倫來
嶰谷黃鍾聲律和鳳鳴堯舜巖廊風穆穆凌雲氣勢
壓叢篠鶴膝龍公皆碌碌我今將學二仙隱坐看此
君膺五福

壽秦復齋

六十三年偉丈夫四月八日當懸弧一官在我有若
無平生豈爲溫飽圖圖書四壁酒一壺醉來擊缶呼
烏烏高官厚蓄豈不都紛華轉眼終泥塗先生曾次
涵五湖遐齡直與莊椿符

山水歌壽尹母

靈巖山高插天中有石屋藏神仙太湖水清且漣銀
河接派流涓涓竒哉二物誰所成造化築鑿非無情
山之靈有真詮秘訣可以延日月湖之水化爲瓊漿
玉液水壺傾我將持之壽阿母願與此山此水同長
生

中秋客至

中秋只在兩三夜但遇月明筵便開陰晴明日苦難
料況有佳客三人來歡娛對月不思睡樓頭宴罷還
登臺登臺呼酒起仙興安得雙翅朝蓬萊

中秋江行

年年中秋鋪錦筵重樓夜半猶未眠今年錦筵鋪回

觴吳淞江水遙連天輝聯玉臂憶杜老光照金尊懷
謫仙此江萬古常流注此月萬古常虧圓老夫敢與
較脩短感悵佳節心茫然面前歌舞且歡笑淺水蘆
花還泊船

壽周太安人

玉山峩峩婁水漣中有靈藥能延年只今黃耆且葢
出祥光南極通宵懸何如阿母貴且賢人間五福能
兼全相夫教子兩成立含飴戲綵膝下紛曾玄行年
七十不知老鷺袍鳳翟板輿日日花枝前春風滿華
屋春酒盈壽筵雲車何雜沓燁燁來群仙願言阿母
長德在直與玉山婁水同綿延

送友人赴任成都

祝融肆毒如圍爐中天赫赫飛金烏門前徧蔽戒關
白獨許枕簟侵肌層有客承幕職驅車向成都觸暑
謁贈言此意不可孤贈君長歌降白雪酌君瓊液傾
冰壺冰壺白雪可以解暑酷清風三峽如平途行行
佇聽好消息丈夫豈爲溫飽圖

王三橋寄卷

三橋主人王隱君尋常相過成酣醺笑談盡日江之
濱風流勝會前無聞十年不見心如薰忽投短卷通
殷勤三橋之山落青雲三橋之水中洲分有時扶筇
課耕耘有時携壺看落照羨君高風真出群詩成漫

寫白練裙

壽錢西洲

西洲居士生絕竒，虬髯碧眼光陸離。
買書熟讀飽餘味，硯田僅免兒啼饑。
抗顏臯座歲時久，適興有詩愁有酒。
乘閒看月傍江行，長嘯一聲激星斗。
掌中甲子輪始周，神采精悍少壯侔。
彈碁力戰忽大叫，蠟屐慣作登山遊。
弧矢高懸鋪菓席，翩翩四五家。
懷客清談不假絲竹聲，扶醉出門江月白。
脫冠笑我藏南村，謝客十年深閉門。
煩君抱琴作間伴，陶真陸散酬清尊。
眼底紛華財與位，到頭適足爲身累。
綠珠黃犬空嘆嗟，爭似菜羹半甯齋。
願君百歲與我同年，年壽酒當

薰風黃髮垂有人健羨江湖滿地兩漁翁

臘雪和西巖韻

聖主勤誠禱豐年兆吉占酒屏工點綴糝徑弄輕纖
愛賞高張宴貪看盡捲簾謝庭誇肖擬吳地慰鷺黔
西圃封梅萼南村濕酒帘嚴威欺煖續清溜滴晴簷
竹壓低稍重茶烹活火炎一天瓊玉屑萬斛水晶鹽
襯屐便徐步漫山簪具瞻饑鳥依突噪凍雀受竿黏
呵硯書難就操舟道可兼長松迷晚翠遙塔露寒尖
勝景供青眼餘輝照紫髯貂裘共閣擁獸炭竹爐添
袖手晨梳懶澆腸夜飲厭紛紛憐野客耿耿憶窮關
小垞來兒戲貞姿比士庶路平樵跡滅江漲釣磯淹

候正歌謠起功深騰賊殲詩成即適興鄙俚莫生嫌
雪中訪友

主人自南瀆訪友過西洲好遊疑白傳乘興即王猷
燒炭酒沸壺掬雪茶盈甌束手謝白戰開口發清謳
爐灰撥欲盡園韭剪還稠敲詩較一字卻睡撐雙眸
童僕倦倚壁肌肉寒需裘高情欲下榻野性便登舟
明發歸何處依然尋舊遊

挽周太安人

阿母素稱賢全歸亦慘然痛夫星兩鬢教子繼三遷
詩禮門楣古冰霜志節堅期頤方獨望窳窳忽長眠
稟兆冬來異真儀画裏傳冷烟迷舊寢寒月照新阡

手澤兒孫淚心銘里巷鑄通家予忝後欲廢蓼莪篇
丙申初夏偕玉井築兒洎問庵密庵本靜三上
人遊天平一雲諸山

夢寐吳山景心期已十年一雲疑作兩萬笏欲朝天
樹密妨油蓋橋低阻回船暢懷搜恠石洗耳掬寒泉
草徑輕輿穩松巖短屐便按歌花片落跌坐酒盃傳
二客東坡侶三僧佛印禪循簷山鳥健入饌海魚鮮
茗碗供清啜蒲團借倦眠半空排逸興盡日隔塵緣
試問風流態何如李謫仙

和西巖石湖韻

欲飛不飛沙鷗輕蘆花風發晚潮平看山醉眼餘十

里照水吟髭剛數莖摩挲巖畔古碑卧磐礴船頭新
月明好景依依誰管領忽聽滄浪欵乃聲

改亭存稿卷之七

改亭存稿卷之八

崑山方鳳著

玄孫士驥上服父重較駟

詩

款鶴

爲王維雍作

高人好獨偏種秫養胎仙
誘舞時揮袖和鳴夜撥絃
庭虛延澗步身健伴長年
幾度尋幽勝秋江共一船

湖東草堂

優閒愛隱君結屋謝塵氛
夜檻憑寒雨晴窓倚夕曛
鏡開新水漲屏列遠山分
我欲陪樽頰漁歌醉後聞

讀蛟峯傳

細讀蛟峯傳喬然一代雄
文章瞻北斗氣節薄長虹

世變心仍壯書傳道不窮
慙予生獨晚庸劣負宗風
錢元抑夜過小飲和陳魯南韻

寒夜客來遙輕航繫野橋
宦愁詩發遣心事酒勾消
舊雨俱成夢秋霜不待招
搏沙踪跡異劇飲定通宵
晚泊安陵

輕艫依樹泊小店枕流開
城柝歸鴉散檣燈宿鷺猜
風狂欺客鬢酒薄減詩才
怕是微茫月將愁入夢來
奉使還親友遠近

持節歸來遠勞君載酒迎
錦帆風力便綵帳日華明
家近疑成夢山開似有情
高歌拚一醉頭上海雲生

喜雨

聽雨晚憑軒，家歡未眠。江湖添舊漲，草樹弄新妍。
爽氣催殘暑，神功相有年。明朝看扶醉，社鼓正填填。
誕辰寓公館奉懷 老親

吾生當九月，昨日是重陽。髮怯松風老，杯浮菊酒香。
醉排千里悶，痴想百年狂。此夜高堂夢，知應到武昌。

自狀

閒官眠易足，多病貌難腴。肆志空投筆，平時懶學竿。
拈書消客况，攬鏡數吟鬢。真率誰知己，乾坤此腐儒。
齋居和陶良伯韻

寄宿城西寺，條然物外居。心清神自靜，地僻夢還虛。
松月寒侵帳，茶烟煖襲裾。正嚴碁酒戒，無事讀閒書。

訪錢元抑因築兒疾不果代柬招之

兒女吾償債深慙向子平操舟三日路下榻十年情
山色迎人秀湖光蕩眼明菊花開正好還擬近文旌

送沈明之改任

曾入蘄州境民淳地亦饒人言沾教化君去定歌謠
疋馬三忠廟孤蓬萬里橋羽翰元自好不日又青霄

登李長山和伯兄韻

登高欲作賦媿乏少陵才筋力且休矣江山何壯哉
風光歆短帽天影落深杯日暮前林暝悠然獨鳥回

尚湖

薄吹起微浪閒遊趁晚晴漁舟歸處急沙鳥去邊明

勢受虞山壓潮隨東海生坐來烟景好不見有人爭

除夕

客裏逢除夜開懷事事宜拈尊陪母醉挑火看見爐
路近家書便才踈世事遲年華任增減不許髮毛知

挽俞太守夫婦

兩淚嚴慈夢千年孝感心春風懸舊榻夜月斷寒砧
潛德空埋玉衰顏浪鑄金杜鵑啼又盡細雨栢森森

壽陸母分得屏珮

王母憑雲母相依不計年芙蓉春日面翡翠晚風筵
疏列君王聖緘書相國賢宣公忠孝在勝事世應傳
錦服懸瑤瑀高堂足令儀玉溫昭德重步緩覺聲遲

針縷情猶戀韋弦老更持初進仙侶散聯影入瑤池
宿牛首僧房

寄宿城南寺心清夢亦安月樓香篆細風檻竹聲寒
江火迎潮出山雲近鉢攢老僧陪坐久錯認是方干
有松爲梁九舉作和陳魯南韻

梁園新疊石種樹只宜松月屋書聲杳雲巢鶴睡濃
幾枝舒老眼半榻隱高蹤留得貞姿在年年任雪封
祭劉龍州墓

先生足高說後世但詩名白骨山俱老關心水共清
鶯花三月慘風雨一杯傾麥飯家家塚何人此係情

新製小舟三首

吾亦愛吾舟輕揚一葉浮
壓波雲影亂背菊槽聲柔
詩酒情偏適江湖分自投
幾番醒不寐寒月下蘆洲
吾亦愛吾舟吾生與共浮
池塘清夢穩蒲荇碧芽柔
掃水茶堪煮尋磯釣可投
夜來何處泊風雨卧西洲
吾亦愛吾舟飄然水上浮
槳翻春浪潤篷借晚風柔
東海漁堪隱前村鳥共投
近來踪跡散多在百花洲

登靈巖寺

步入靈巖寺荒涼獨悵然
一僧迎破衲雙井蓄寒泉
耕王斷甕餘回棧殘碑勸
賜田不湏悲古蹟興廢十
年前

矯翁新疊山偕倪可琴小飲

小塚因誰結歸歎待矯亭屋頭三寸碧雨後一分青
樹密疑擎蓋豈奇定落星山人陪坐久月出醉還醒
虎丘遇仰雲上人

入寺無人見相逢得仰雲上方今爲我東道或依君
遠眺迷晴靄清談倚夕暝頻來莫相厭甌茗共爐爇

王公濟禱酒至公署

對客排幽悶論詩愜素懷烹羔謫仙興倚馬杜陵才
宦况逢秋減燈花入夜開月高望官闕咫尺是蓬萊
送吳高山人罷官歸

君去我何堪
蹤跡亦欲南
野騎空自適
意欲獨無慚
寵辱終遺
且急擔相看
淚如雨心事
共誰談

借王南原陳石亭徐庵西周約齋王繩武月夜
飲錢漕湖公署

此夜谷臺會評詩笑語譁鄉音疑縮地宦跡歎揚沙
步月依松影占晴看燭花中秋是明日沉醉更誰家
雙槐為王才伯乃祖作

槐遺手澤一德本心田雨露方三世栽培豈百年
陰濃鋪綠毯花落碎金錢見說孫枝好年來已拂天
送陳東沂都堂致仕

霽雪添行色官舟此日開圖書趙清獻文學石徂徠
惠政誇三輔高風擅兩臺東沂慰桑梓猿鶴不須猜
嘉靖癸未元日

伯玉知非日淵明覺是心青春忙自去白髮故相侵
有過頻觀易無聞浪惜陰且乘椒酒興弄筆試高吟

庶惠

為張文林太守作

國事如家事心田即義田

辨綴錢買

何曾為已地長

欲足民天劉寵錢應卻張堪德可鑄活人知有報瓜
旣定綿綿文林未有子

邊廷實以詩留別用韻

雪霽明官棹登仙羨此行路從淮角便江到石頭清
舊雨頻攜酒新詩半計程蹇予徒悵望白首竟無成
贈張運夫

崑山張處士工畫又工詩大洒秋千幅高吟酒一卮

夜幃眠漏月短榻坐敲碁我欲尋真隱惟君跡最奇

再遊金山

誦入金山寺還嘗玉井泉好風吹客袂殘雪點江船
得意詩無價衝寒酒直錢老僧如有約燻茗獨留連

石窠

白首存孤介推窻時讀書操持吾道在靜豁此心虛
月出梅先到春來草不除無人知此味獨坐意何如

虎丘阻雨

望望虎丘寺亭亭在目前行藏元有數咫尺亦無緣
黯曖雲拖雨模糊樹帶烟明朝定開霽遠買看山船

送周貳守考績便道省母

關右推才俊江南洽政聲思親千里近報 主一身
輕自考催科拙人傳折獄明先公家法在真不負平
生

遊張公洞二首

雲崖平復次石竇暗還明風雨龍蛇蟄陰寒鬼魅生
洞虛歌似蒼壁峭坐疑傾歸路頻呼酒痴狂笑此行
夜達張公洞愁添白帝秋謳歌聊自慰颯雨故相留
未敢迴吾棹還應問某丘平生苦多病遊癖更難膠
吊張又定得時字

前賢勞此地今日是何時要識憂民志須觀省稼詩
危言丞相怒直道史臣知千載存祠廟悠然慰我思

挽劉司寇

御史劄之父

高原瘞良王遺德重鄉評
出守歌襦袴司刑頌鑑衡
松楸寒月影風雨暮猿聲
千里絨詩吊殷勤惜老成

送左節推北上

幾年勞佐郡此日快朝天
執法嚴三尺持廉選一
錢蘇臺懸夜月淮棹倚寒烟
春到鶯花寺思君尊酒
前

元儒冠

眼見兒曹冠而今又及孫
親朋當日會禮度古風存
服進三加重賓膺再拜尊
成人從此始爲善繼清明
醮

喜爲吾孫黜從容禮數并升階先正立布席定徐行
訓戒情何切殷勤命獨承須知宗事重真足慰平生
親迎

上馬生春色行行慰老懷乘龍今日喜奠鴈百年諧
籠燭紛童稚笙歌擁市街所先惟婦道端不在裙釵
合卺

夜月和鸞鳳春風鼓瑟琴一杯拈合卺百歲挽同心
笑語馨香遠笙歌院落深衰年觀勝事真是直千金
廟見

水木求源本祠叅敦後期百年宗事重三月禮文遵
禮三月廟見伊川以爲大難改爲三日酒菜通誠悃

首客起孝思只嫌些子欠不在老親時

禮婦

家宴尋常事無如此日嚴朋尊姑舅合尊席主賓兼
禮度情俱洽禎祥兆可占古儀因廢久快覩走閭閻

婦饋

冢婦方行饋殷勤獻脯羞要調姑舅性常抱旨甘憂
養志心須敬承顏語欲柔只圖新婦孝此外復何求

秋汀以詩見寄和韻

林下高年健推公第一人黃花娛碧眼白髮美青春
杖屨時吟眺雲山自主賓秋汀書屋近相過莫嫌頻

挽葉偕山大尹

細讀借山誌高風入望遐文章能餉吏忠孝足傳家
烟雨孤猿嘯松杉落日斜老成凋謝盡掩卷獨興嗟
春崖贈陸醫士和西巖韻

方寸留春意生生本自然紫陽疑授術青帝或分權
煖蓄還丹火溫添煮石泉活人歌頌起到處可磨鐫

雙谿

結屋梅花裏谿流合抱香野山青入坐水鳥白成行
雨後看新漲風餘挹早涼書聲清夜起星斗動寒芒

世壽堂

為周世亨作

三朝培大老千載際殊恩賓席衣冠古安車齒德尊
東南傳盛事橋梓蒸藜門地下人應笑丕承有令孫

登東嶺閣

高閣插雲孤推窓見
回圖青山舒醉眼
白鳥下平蕪酒債逢春足
詩腸盡日枯
登臨筋力倦
歸路倩人扶

送楊廣之考績兼乞封

客中還送客年盡
又逢年疋馬青山外
孤城白水邊君親懸念切
資望得恩偏我亦相知者
詩成一惘然

借朱侍御登崑山次唐人韻二首

看雲時撤蓋
擇蔭數移床
山鳥迎人語
巖花撲酒香
半空搖使節
百丈倚文光
譔咲非吾放
乾坤本劇場
峯巒雄虎據
湖海恣鯨吞
覓勝躋山頂
偷閒坐竹根
風帆江上影
烟柳雨中村
剛盡登臨興
歸雲擁石門

得鶴詩子携酒賞之

雪羽翩翩至清尊日日開塔前添雨跡墻角伴寒梅
整翮雲霄近和鳴燕雀猜老懷須莫負爲爾賦歸來

贈顧孔仁

有客稱時彥無心競世紛杜門惟點易倚杖獨看雲
詩字供吾老壺觴對此君相知不能薦空自惜劉蕡

借寓虎丘山樓

何處堪棲息重樓隔一亭小池晴漾碧高樹暮排青
短榻眠窺月虛窓坐摘星新詩聊作券漫爾托山靈

送王玉井

有衣來何處翩翩美海槎行憂偏貯藥醉眼欲生花

曉鐘在青嶼瓊缸灑紫霞前村多杏樹疑是近君家

西巖病中寄詩川韻

芝眉久相隔一日比三年呖語惟憑夢鶯花又禁烟
春光還似舊詩社不如前老我無聊藉拋書但欲眠

挽周文卿太守和唐雪泉韻

卒業記當年金陵蹇一鞭科名三載後簪笏五雲邊
宦况舟車遠交情肺腑鑄歸舟揮老淚悵望起寒烟

借季子升築兒玄墓看梅二首

十里香先到三盃興已催嶺頭銀作片溪畔雪成堆
勝景憑詩寫高情喜客陪故人今夜夢驛使幾時回
誰得觀梅趣三人共一航萬株春不老十載願初償

襯月連天白，隨風隔隴香。將何酬此勝，酒興挾詩狂。
遊太湖

覽勝借湖船，真於野性便。兩山斜夾浪，一水直通天。
燈火依洲渚，魚蝦禱市廛。重來定何日，動輒是經年。
和周貞菴歸田韻

歸興繞乘麻，高眠一夢賒。尋山過僧寺，買屋近漁家。
困惜蝸粘壁，忙憐蟻散衙。此中滋味好，不敢向人誇。
小園四首

吾亦愛吾園，孤峯對小軒。徐行惟適意，獨坐每忘言。
尊酒輸鄉社，爐燠謝市喧。枕書高卧穩，五柳蔭清門。
吾亦愛吾園，南遊坐流觴。新篁嬌欲舞，好鳥巧能言。

只有琴書靜而無車馬喧聞身任幽僻終日自關門
吾亦愛吾園松杉護一軒靜觀皆有象默坐欲無言
古樹鶯相啞晴簷鵲自喧隣翁喜杯酌乞火夜敲門
吾亦愛吾園書樓面面軒咲談三四客道德五千言
地僻烟霞鎖林深鳥雀喧聞來呼酒坐日落掩衡門

西湖雨中

久矣西湖約從容載雨遊艤船登水寺着屐上山樓
樹影模糊見歌聲遠近浮醉歸禪榻穩不待老僧留

題像

伉儷欣偕老優游擬百年龐公素相敬衛種本齊賢
積善貽身後含飴弄膝前丹青誇肖貌所重在心田

紀疾

老至苦三疾年來已二侵齒搖妨大嚼耳重廢清音
佳味虛春韭新愁斷暮砧衰遲自吾分抱膝且長吟
喜伯兄病起和韻

一疾忽逾年而今已泰然重尋迎客履遂買看山船
骨肉愁應減兒童喜欲顛何時瀉尊酒風雨對床眠
六十旦辰承南都諸公寄詩用韻荅之

顧東橋華玉

都門早掛冠高臥日三竿忙裏抽身易人間行路難
梅谿春寂寂松塢月團團佳句勞頰寄能令野老歡

顧橫澗英玉

重惜青雲器，優然滯海涯。清水堅晚節，濁酒玩年華。
墨妙詩傳州，才高筆夢花。秦淮春水滿，思子欲乘槎。

羅印岡子文

並馬更聯裾，相依二載餘。睽違憐此日，談笑記當初。
待月登高閣，看花弄小車。新詩勞遠寄，千里慰窮居。

趙雪崑

嘗記宦遊時，高風起慕思。傳家科甲顯，憂國髮毛
知醉覓林僧。話間後野老，嬉佳篇寒夜。達細讀，照清
藜。

江京兆 景熙

勞君猶念我，空負豸橫冠。久矣虛青眼，居然老素餐。

真名三朝正盤金一長黃勇才集多生行米在巨看

易后齋

士美

憶昔共朝端心期蚤掛冠清尊聊自適白首阻相看
夜雪堪乘興春花且寄歡聞君眠食健疑是學還丹

姚太守

原學

多君重鄉誼况復忝同年握篆稱循吏懸車作散仙
雲邊尋寺屐雨後看山舡斗酒吾堪助何妨價十千

趙鷺洲

潦倒向頽齡思君坐短亭鄰封歌善政上國顯文星
竹映盃中綠山看雨後青瑤章能寄我華采照寒汀

曹幽林

時範

長嘯蚤休官三峯樂考槃滄州吾道貴綠野此身寬
詩句頻相和湖山每共看年來仗清甌眠食喜俱忘
和吳芝山韻

半生山水癖汗漫每忘歸愛月登芸閣尋僧扣竹扉
風霜淹白屋塵土化緇衣無計糊三口時時採茯苓
壽章窮溪六十

白首一高人優游六十春閒雲飛不定野鶴養難馴
采藥經吳楚尋梅過汝濱長生資內養花甲幾週巡
蘇行紀遊二首

老年無內顧秋日得西遊泉石供青眼謳歌慰白頭
樹藏雲外寺人倚水邊樓自笑經年別何妨信宿留

勝地牽清興，衰年學壯遊。高眠魚池側，直上芻峯巔。
月色誰家笛，歌聲幾處樓。秋光動詩思，終日爲淹留。

壽宋良器六十

舊雨君猶健，秋霜我更頽。搏沙踪跡異，逝水歲華催。
下榻交情熱，啣盃咲口開。年年爲此會，花甲看重來。

遊虞山和韻二首

登山共良友，鳴鳥正相求。選竹題新句，觀梅憶舊游。
泉聲懸絕壑，雲影護層樓。坐久塵緣息，香沉小殿幽。
行歌登古剎，山鳥逐雲飛。草色侵禪榻，嵐光上客衣。
鶯花三月近，松檜七星稀。自咲遊成癖，依依不肯歸。

未齋園看梅和時川韻

梅園亂飛雪幾樹尚堪隣乘興獨携酒尋詩一繫船
雨餘留鶴跡風外撥銀絃爲惜春光老長歌落照前

西疇

百畝生涯足年年望有秋雞豚對西冊無牧自歌謳
春社葉榆暖晨炊竹樹稠欣然忘帝力夢逐白雲
遊

丁酉元日和貞翁韻

昨夜東風轉年華又一新雲霞朝合彩燕雀早啣春
醉玩壺中景吟安物外身團圞爐火坐兒女老相親

懷秦復齋

不見秦夫子令人展轉思有官還咬菜無事只敲詩

避客明長掩逃名社早辭何時共雞黍談咲慰吾私

花下聽孔生琴

花氣薰人煖琴聲應鳥和賞心閒裏得春事醉中過
遠岫迷烟靄喬枝掛薜蘿詩狂無處着拍手一高歌

送陳質齋自大尹改學官

偃蹇陳夫子文名滿士林劇閒雖異跡教養本同心
襦褲歌方洽菁莪樂更深此官元自好先世有遺箴

壽呂后齋

仙骨出純陽真傳海上方彈碁延白日却杖陟高岡
愛客能清話辭官得穩藏優游吾自足不逐世情忙

壽范翁六十八正公後

美矣先賢裔安然壽且康給田分義粟賣藥得仙方
世事惟高枕春遊慣野航百年間裏過倚杖看人忙

獨卧

幽居無客到高卧覺清閒鳥擲松篁外雲飛戶牖間
背墻花架隔臨水竹門關日晚行吟處悠然對小山
觀龔氏廢宅及先姊荒塚有感

華屋成灰燼荒墳自草萊頽垣風落瓦斷碣雨滋苔
月冷人愁絕天陰鬼哭哀終年歎興廢爭得老懷開
八月十四夜月時川以舟迎於北濠

今宵是何夕人說小中秋月色九分滿江光一樣浮
名姝搨画簃嘉客艤仙舟明日留餘興還應到虎丘

和貞翁九日登山韻二首

晚景應難得重陽不易晴樓頭攀獨樹海角見孤城
老衲忙安榻奚奴慣負枰醉歸松蔭合啼鳥自多情
節屆黃花綻杯傳綠蟻傾竹深時獨倚徑狹每徒行
雅會追前哲高風仰後生詩囊收勝景况復際新晴

山齋得孫和韻

已見緇郎抱還歸宰相門清風承奕世老聖重孫
百試之無合三遷俎豆存汾陽有華胄千秋定同倫

壽令翁

少里村名古吳淞地脉長蕙椿含晚色寶桂曠秋芳
榆柳圍茅屋雞豚繞麥庄嬉遊無一事帝力久相忘

山行五首和山齋韻

望望靈巖景依依在目前
千年殘塔寺五月熟梅天
處處新秧水家家古樹烟
最嫌山路濕雨後長岫煙

右望靈巖

冒雨經岐嶺肩輿四望低
巾輕平折角幔濕半沾泥
狹徑攀猿窟深林隱獸蹄
從人問前路指點小橋西

右長岐嶺

隱隱山中寺層層竹樹深
幡幢禪榻靜苔蘚回廊陰
興廢千年恨登臨舊日心
行行促歸思殘日照前林

右望玄墓

愛問回頭路貪看對面山
海雲紅片片湖水碧潺潺

眼界空千里襟期豁兩間洞庭無限景還擬共躋攀

右出山

吳地山如画穹窿舊所聞靈光時燭爍仙氣久氤氳
洞古藏丹竈巖深卧白雲何時共登眺杖屨欲隨君

右望穹窿

壽姚封君六十

素卜期頤筭纔看甲子周藍田新種玉海屋又添籌
尊俎迎珠履詩篇滿画樓何時共扶醉雲谷訪浮丘

壽周南塘七十

誰占南塘景悠然有德人方巾見高志矮屋貯長春
晚節黃花老清歌綠酒醇百年真可望聞作太平民

壽蔣苒庄五十

吳淞有真隱種菊遶西庄好古陶潛拙能詩李白狂
高標懸象緯喬木任風霜我欲脩蓮社殷勤獻一觴

壽文衡山先生七十

先生天下士文譽動儒林耽隱成高志安貧養道心
晴窓閒戲墨素壁靜懸琴我願公難老時聆大雅音

看梅

迤邐觀梅興殷勤載酒情寒香撩客嗅晴雪壓枝傾
落月窮簷影東風短笛聲何人知此味簫鼓滿重城
壽洪翁七十

七十能安健古稀今亦稀行吟花氣煖醉倚竹陰肥

素履惟茹屋清風但布衣後茲應結社杖屨真相違
壽陸給事母夫人

華屋歌鐘發高鋪王母進香薰霞帔煖花應酒卮妍
鶴算神丹秘龍章御墨鮮稱觴吾政後再世忝同
年

贈錢東郊

楊里稱仁里東郊客到稀平田沾夜雨短榻美朝暉
花氣先春煖槐陰傍午肥主人無世累白鳥共忘機
留別吳順山兼約後遊

池亭高士跡杯酒故人情洞古雲陰合林深暑氣清
淹留勞下榻談笑欲推枰更道龍池勝還尋雞黍盟

登北固山寺二首

南歸多覽眺北固始經行
殿古丹青剝巖深草樹平
佛香幽自散塔火晝還明
共有紛華念無人此繫情
獨上平臺立飄然眼界寬
金焦雙砥柱江海一杯盤
撫景容孤嘯披圖縱大觀
歸輿山月上詩骨不勝寒

改亭存稿卷之八